



**UNIDADE HAKBI'IT MEMBRU**  
**PROGRAMA FUNDU KI'IK BA MEMBRU ORGANIZASAUN ADTL**  
**RELATÓRIU ATIVIDADE FUNDU KI'IK**  
**TINAN FISKÁL JUÑU 2014 – JULLU 2015**



**ASOSIASAUN DEFISIENSIA TIMOR-LESTE**  
**ADTL 2015**

# Kontiudu

<b>Akrónimu</b> .....	<b>3</b>
<b>Prefásiu</b> .....	<b>4</b>
<b>Introdusaun</b> .....	<b>5</b>
Kona-ba Fundu Kí'ik .....	5
Objetivu hosi Fundu Kí'ik .....	5
<b>Prosedimentu Matadalan Fundu Kí'ik</b> .....	<b>6</b>
<b>Sumáriu Aktividade</b> .....	<b>7</b>
Sosializasaun no Lansamentu.....	7
Selesaun ba Proposta.....	7
Asina Akordu no Pagamentu .....	7
Aktividade hosi Membru Sira .....	7
<b>Sumáriu hosi M&amp;E</b> .....	<b>14</b>
<b>Deskobrementu Xáve</b> .....	<b>15</b>
Típu Aktividade .....	15
Benefisiariu .....	16
Lokalidade Organizasaun no Aktividade .....	16
Komparasaun Gastus ho Aktividade .....	17
<b>Impaktu Fundu Kí'ik Nian</b> .....	<b>18</b>
<b>Obstakúlu sira</b> .....	<b>19</b>
Dezáfius Internál .....	19
Dezáfius Eksternál .....	19
<b>Rekomendasaun</b> .....	<b>19</b>
<b>Lista Anexu</b> .....	<b>21</b>

## **Lista Acrónimu**

ADTL- Asosiasaun Defisiénsia Timor-Leste  
CBR – Community Based Rehabilitation  
CKP – Charles Kendall and Partners  
CRL - Centru Liman Hamutuk  
CNR – Centro Nacional de Reabilitação.  
CNPTL - Comite Nasional Paralimpico Timor-Leste  
DPO – Disability Persons Organisation  
DWG – Disability Working Group  
EhD – Ema ho Defisiénsia  
ETBU – East Timor Blind Union  
HDMTL – Halibur Defisiénsia Matan Timor-Leste  
IDD – International Disability Day  
KN-DEHD – Konsellu Nasional ba Direitu Ema ho Defisiénsia  
KATILOSA – Klibur Aleizados Timor Lorosa'e  
M&E – Monitoring and Evaluation  
PLSF – Procurement and Logistics Support Facility  
PRADET – Psychosocial Recovery & Development in East Timor  
PAN-EhD – Planu Asaun Nasional – Direitu Ema ho Defisiénsia  
RHTO – Ra'es Hadomi Timor Oan  
RBK – Rehabilitasaun Baze Komunidade  
SEJD - Secretária de Estado Juventude e Desporto  
TLMTL – The Leprosy Mission Timor-Leste  
UNTL – Universidade Nacional Timor-Leste  
UN-CRPD – United Nations Convention on the Rights of Peoples with Disabilities.

## PREFÁSIU

Relatóriu ida ne'e fo informasaun komprensivu kona-ba prosesu estabese Fundu Ki'ik, prosesu involve organizaun membru sira iha faze lansamentu, dokumentasaun ba prosesu implementasaun to'o halibur relatóriu hosi membru sira hodi prodúz relatóriu ida ne'e. Fundu Ki'ik ida ne'e kria ho intensaun atu fo oportunidade ba membru hotu atu prátika jestaun ba fundus sira ne'ebé kanaliza hosi asosiasaun ida ne'e. Dalaruma Fundu Ki'ik bele uza hanesan sasukat práktikabel ida ba ADTL hanesan organizaun sumbriña atu hatene koñesementu organizaun membru iha área jeré fundus ki'ik, maibe liutan ida ne'e atu tulun organizaun idaida bele to'o ba comunidade hodi tula liman ba ema ho defisiensia, liuliu atu tulun inan-aman ho comunidade hatene tane aas ema ho defisiensia sira-nia direitu no interese iha aspeitu hotu hosi moris sosiál, ekónia no asuntu seluk relasiona ho moris públiku.

Dezáfius oinoin mak deskobre iha relatóriu ida ne'e laos refleta situasaun hotu hosi fenómeno organizaun sosiedade sivil iha Timor-Leste, partikularmente organizaun sira mak servius iha área defisiensia, maibe hatudu dalan kona-ba oinsa ADTL bele hatene serve diak liutan nia membru sira atu bele to'o ba ema ho defisiensia hotu. Presiza desenvolve medidas oinoin maibe apropiadu tuir kontekstu organizaun sosiedade sivil iha Timor-Leste, liuliu organizaun sira ne'ebé iha determinasaun bo'ot ho komitementu nakonu atu servisu ho ema ho defisiensia. Medidas sira ne'e tenki orienta ba hakbi'it sira ne'e atu sai organizaun sira ne'ebé mak forte no sustentavel hodi kontinua halo defeza no tane aas ema ho defisiensia sira-nia direitu atu hola-parte iha prosesu desenvolvimentu nasional.

Obrigadu

João Soares Reis Pequinho  
Direitor Exekutivu

## 1. INTRODUSAUN

Histórikamente ADTL ba dahuluk funda ho naran DWG i funda hosi husi ONG 5; ASSERTS (agora CNR), Klibur Domin, Klinika Uma Ita Nian - Aileu, TLMTL, ho KATILOSA. Transforma hosi DWG ba ADTL liuhosi nia assembleia jeral premeiru ne'ebé hala'o iha loron 6 Dezembru 2013. Halo tiha transformasaun ne'e, hahú reorganiza no rekruta membru foun. To'o Maiu 2015 hamutuk organizasaun 19 inklui Federasaun Disportu Defisiénsia mak indika an atu hola-parte iha asosiasaun ida ne'e, entre sira 10 mak paga tiha ona sira nia taxa ba adesaun nian, seluk iha hela prosesu laran.

ADTL estabelese hanesan organizasaun sumbriña ida ba organizasaun sira ne'ebé servisu iha área defisiénsia ho organizasaun sira ne'ebé hari'i rasik hosi Ehd. Tuirmai organiza an hanesan plataforma sociedade sivil ida hodi halo advokasia ba direitu Ehd atu hetan partisipasaun aas iha dezenvolvimentu nasional. Bazea ba nia estatuto, ADTL halo klasifikasaun ba nia membru sira bazea ba kategória rua; Membru Ativu ho Membru Asosiadu. Membru ativu mak bele iha direitu atu hili no vota no membru asosiadu laiha direitu ba hili no vota durante assembleia jeral. Membru ativu mak DPO ka ajénsia nasional eh internasional sira ne'ebé iha duni programa espesifiku kona-ba defisiénsia. Membru asosiadu iha kontekstu ida ne'e refere ba institutu akadémiku ka peskiza, ka ajénsia nasional eh internasional sira ne'ebé iha projektu iha área defisiénsia, maibe laiha programa metin kona-ba defisiénsia.

Iha Juñu 2015 membru sira hamutuk dezemvolve ADTL nia Planu Estratéjiku ida ba tinan 2015 – 2020, no defini visaun ADTL nian katak "Ema ho Difisiénsia nia Direitu Protejidu, MORIS DIAK IHA SOSIEDADE INKLUZIVU, hodi partisipa iha dezenvolvimentu Nasional. "Atu atinji visaun ida ne'e identifika mos misaun importante ida mak oinsa atu hakbi'it organizasaun membru ho-nia estrutura sira atu nune'e sai forte atu halo advokasia ba asuntu defisiénsia iha Timor-Leste.

Relatoriu ida ne'e apresenta, resultadu ida hosi aktividade hosi unidade Membership Empowerment nian kona-ba suporta fundu Ki'ik ba membru organizasaun sira nian durante periodu Setembru 2014 ate Juñu 2015.

## 2. KONA-BA FUNDU KI'IK

Programa Fundu Ki'ik ne'e mak hanesan programa prinsipál ida hosi Unidade Hakbi'it Membru iha strutura ADTL. Unidade ida ne'e mak responsabilidade ba objetivu ADTL nian kona-ba hakbi'it organizasaun membru atu iha kapasidade tekniku natón hodi hala'o kna'ar advokasia, edukasaun no seluk ne'ebé relevante ba atendimentu ba EHD. Estabelese programa Fundu Ki'ik ba membru mak konsidera hanesan meius ida efetivu atu tulun membru sira iha área hakbi'it instituisaun sociedade sivil, iha kontekstu ida ne'e refere ba sira ne'ebé servisu ba EHD.

Fundus refere destiña ba atividade kapasitasaun ho advokasia, maiske nune'e iha nia alokasaun depende ba proposta hosi membru sira. Iha tinan fiskál ida ne'e, total fundus ne'ebé alokadu ba objetivu refere mak dollar rihun lima-nulu (USD50,000) ne'ebé tau hamutuk hosi dollar rihun haat-nulu (USD40,000) maihosi hosi Governu Australia liuhosi PLSF/CKP no rihun sanulu (USD10,000) maihosi TLMTL liuhosi RHTO. ADTL nia kalkulasaun katak fundus refere suficiente atu apoiu atividade organizasaun liu 10 iha tinan dahuluk. Prosedimentu kona-ba aplikasaun no alokasaun fundus sei haktuir ADTL nia Standard Operational and Procedure (SOP) 2014 ho Matadalan Fundu Ki'ik nian.

## 2.1. OBJETIVU HOSI FUNDU KI'IK

Fundu Ki'ik ne'e kria atu apoiu organizasaun membru sira-nia atividade iha área rua (2) tuir-mai ne'e:

- 1). Hakbi'it kapasidade membru hodi lidera servisu iha área defisiénsia.
- 2). Apoiu organizasaun membru hodi alkansa ADTL nia objetivu estratéjiku sira tuir-mai ne'e:
  - a. Asina no ratifika UNCRPD.
  - b. Hari'i Konsellu Nasional ba Ema ho Defisiénsia.
  - c. Monitoriamentu ba implementasaun Incheon Strategy.
  - d. Monitoriamentu ba implementa Planu Asaun Nasional kona-ba Defisiénsia 2013.

## 2.2. PROSEDIMENTU IMPLEMENTASAUN FUNDU KI'IK

### 2.1. Estabelese Matadalan ba Fundu Ki'ik

Atu aseguara implementasaun ba programa Fundu Ki'ik, ekipa managerial sira hamutuk ho unidade Membership Empowerment estabelese uluk mak matadalan ba Fundu Ki'ik hodi guia membru sira kona-ba oinsa atu asesu ba fundu ne'e. Prinsipiu sira tuirmai ne'e mak hanesan matadalan fundu ki'ik nian.

- Limitasaun ba orsamentu ba kada proposta.
- Restrisaun ba Fundu Ki'ik; destiña deit ba aktividade sira ne'ebé fundu ne'e bele suporta no seluk ne'ebé la bele suporta.
- Matadalan mos refere ba organizasaun membru sira ne'ebé elijivel atu aplika.
- Matadalan mos esplika kona-ba formatu proposal ho format relatóriu aktividade no orsamentu ba implementasaun nian.

Haree Anexu 1: Matadalan Fundu Ki'ik nian.

### 2.2. Avaliasaun ba Proposta

Avaliasaun ba proposta hala'o hosi Panel Selesaun ba Proposta ne'ebé kompostu hosi Managerial Team. Panel decide proposta no fo kontratu ba aplikantes sira ho meus avaliasaun ida ne'ebé mak determina tiha ona ho format SMART (*Specific, Measurable, Assignable, Realistic and Time-Limited*). *Formatu anexu.*

### 2.3. Kontratu

ADTL produs kontratu ka akordu ida entre parte rua; ADTL ho membru organizasaun sira ne'ebé mak hetan fundu no asina iha tempu sira hetan pagamentu primeiru ba proposta. Kontratu ka MoU ne'e atu aseguara no regula papel no responsabilidade kada parte sira nian iha prosesu implementasaun ba fundu ki'ik.

*Aneksu formatu kontratu.*

### 2.4. Estabelese Matadalan M&E ba Fundu Ki'ik

Atu aseguara implementasaun ba fundu refere, ADTL estabelese tiha ona Unidade ida hanaran Monitoring and Evaluasaun (M&E). Ekipa ne'e lidera hosi koordenador ida ho apoiu hosi asesur tekniku ida ne'ebé kontrata direta hosi PLSF-CKP. Unidade ida ne'e nia kna'ar mak atu observa no mos halo evaluasaun ba atividade hotu ne'ebé finansia hosi fundu ki'ik. Ida ne'e hodi aseguara kustu efisiénsia no efetivu. Ida ne'e mos atu aseguara katak implementasaun ba fundu ki'ik ne'e la sees hosi koridor matadalan fundu ki'ik nian.

Ekipa M&E tuirmai estabelese matadalan ida ba monitoriamentu no avaliasaun nian (Guideline for M&E). Matadalan ne'e refere ba komponente importante sira hanesan tuir-mai:

- Avaliasaun ba ADTL nia jestaun internal.
- Prosesu implementasaun Fundu Ki'ik hosi organizasaun membru sira.

- Oinsa Fundu Ki'ik nia kontribuisaun hodi atinji ADTL nia objetivu sira.

Unidade M&E uza metódulojia hodi foti dadus mak hanesan tuirmai ne'e:

- Observasaun direta ba atividade sira ne'ebé hala'o ho fundus refere.
- Husu feedback hosi organizaasaun implementador.
- Intrevista direta ho organizaasaun implementador.
- Halo análise dadus no tracking ba atividade.

### 3. SUMÁRIU AKTIVIDADE FUNDU KI'IK

#### 3.1. Sosializasaun no Lansamentu Fundu Ki'ik

Atividade sosializasaun ba matadalan no lansamentu ba fundu ki'ik hala'o iha loron 26 Setembru 2014 iha Eskritóriu ADTL nian. Durante sosializasaun hetan partisipasaun aas hosi organizaasaun membru. Atividade ne'e hala'o iha okaziaun Enkontru Jeral Trimestral daruak nian. Sosializasaun importante atu aseguira katak membru hotu hatene uza matadalan ne'e hodi asesu ba fundu refere.

#### 3.2. Selesaun ba Proposta

Fundu nakloke ba membru hahú hosi loron 1 fulan Otubru 2014. ADTL simu proposta dahuluk hosi organizaasaun hitu (7); HDMTL, Ahisaun, ETBU, AGAPE, KATILOSA, ho Klinika Uma Ita Nian-Aileu. Tuirmai iha fulan Marsu 2015 simu tan proposta rua hosi Alma Sister ho Pradet, no ikus liu hosi Federasaun Desportu Defesiénsia Timor-Leste. Hamutuk proposta 10 mak apresenta ba ekipa selesaun.



Foto: Workshop sosializasaun Fundu Ki'ik ba membru ADTL

#### 3.3. Asina Akordu no Pagamentu

Organizaasaun 10 mak hetan fundu ki'ik. Hafoin halo tiha selesaun ba proposta idaida, organizaasaun 10 tama ba akordu ho ADTL hodi implementa fundu ki'ik. Akordu ba periódu dahuluk hala'o iha loron 3 Novembru 2014 ho organizaasaun 7, tuirmai iha fulan Marsu no Juniu ho organizaasaun 3. Halo tiha pagamentu, organizaasaun idaidak simu fundus tuir proposta orsamentu ne'ebé sira propoin.

#### 3.4. Aktividade ho Fundu Ki'ik

Membru sira utiliza fundu refere hodi finansia atividade oioin iha área rua kapasitasaun ho advokasia. Iha área kapasitasaun inklui hodi finansia estudante hosi organizaasaun membru ba Kursu CBR Diploma I iha UNTL. Seluk utiliza fundu refere hosi finansia atividade community outreach. Tuirmai mak sumáriu hosi aktividade sira ne'ebé finansia hosi Fundu Ki'ik.

### a. ONG AGAPE

AGAPE (Eskola ba Defisiénsia Tilun) apresenta proposta kona-ba aktividade hasa'e kapasidade liu hosi dezemvolve talentu iha Desportu. Bazea ba proposta orsamentu, aprova fundus ida ho montante USD5,000. Fundus refere utiliza hodi finansia Ekipa Badminton iha Eventu 4<sup>th</sup> Asia Pacific Deaf Badminton in Kaohsiung City, Taiwan. Ekipa ida kompostu hosi ema nain lima mak aranka ba Taiwan iha fulan Novembru 2014. Ekipa ne'e kompostu hosi ema na'in 7 atletiku na'in 5 (feto 3, mane 2) akompanha hosi oficial na'in 2.

Bazea ba proposta, objetivu hosi aktividade refere mak atu fornese oportunidade ba juventude ho defisiénsia tilun atu bele partisipa iha eventu desportivu internasional hodi hasa'e sira nia kapasidade no talentu iha area desportu badminton nian. Resultadu hosi aktividade ida ne'e positive, Ekipa Woman Double Timor-Leste hetan Kintu Lugar hosi Nasaun 9 ne'ebé mak partisipa iha eventu refere. Tabela 1 tuir-mai hatudu kona-ba sumáriu ba atividade refere.

Tabela 1: Sumáriu hosi atividade mak AGAPE hala'o

NO	TIPIU AKTIVIDADE	FATIN/ DATA	OBJETIVU	MEUS VERIFIKASAUN	PARTISIPANTE			
					F	M	Total	EhD
1	KAPASITASAU N	TAIWAN 01- 05/10/2014	Hasa'e kapasidade no talentu atletiku EhD tilun	- Relatoriu aktividade - Certifikadu - Dokumentasaun	5	2	7	5

### b. ONG KATILOSA

ONG KATILOSA apresenta proposta aktividade rua (2); 1). Workshop sosializasaun ba Política Nasional ba EhD; 2). Treinamentu ba Mediku Geral sira kona-ba Early Detection-Early Prevention iha area Saude nian. Audensia ba atividade premeiru nian mak autoridade lokal, sosiedade sivil no estudante universitariu sira baze iha Munisipiu Baucau. Aktividade ne'e hala'o iha Suku Tirilolo, Munisipiu Baucau iha loraon 15 Dezembru 2014. Ema nain 51 kompostu hosi feto 25 no mane 26 mak partisipa, inklui EhD hamutuk nain 7. Orador prinsipál iha workshop ne'e mak Ministeriu Solidaridade Sosiál, ADTL, ho Administrador Munisipiu Baucau.

Aktividade Treinamentu ba Mediku Geral hala'o iha loraon 17 to'o 18 Dezembru 2014 iha Suco Bahu, Baucau Vila Munisipiu Baucau. Partisipantes 41 kompostu hosi feto 19 no mane 22 mak partisipa. Atividade rua ne'e hotu gasta osan hamutuk USD4,799. Tabela 2 tuir-mai ne'e hatudu kona-ba sumáriu hosi atividade refere.

Tabela 2: Sumáriu kona-ba atividade mak hala'o hosi KATILOSA

NO	TIPIU AKTIVIDADE	FATIN/ DATA	OBJETIVU	MEUS VERIFIKASAUN	PARTISIPANTE			
					F	M	Total	EhD
1	Treinamentu ba Mediku Jeral	Baucau, 17-18/12/14	Hasa'e mediku sira nia konhesementu kona-ba tratamentu saude ba EhD	Relatoriu aktividade	19	22	41	-



2	Sosializasaun ba Politika nasional EhD nian	Baucau 15/12/14	Hasa'e komidade nia konhesementu kona-ba asuntu EhD	Relatoriu aktividade, dokumentasaun	25	26	51	7
---	---	-----------------	---	-------------------------------------	----	----	----	---

### c. DPO-HALIBUR DEFISIENSIA MATAN TIMOR-LESTE (HDMTL)

DPO HDMTL apresenta proposta aktividade rua ketaketak hodi halo hala'o aktividade sensibilizaun ba komidade kona-ba direitu EhD liuliu ba Ema ho Defisiensia matan. Aktividade ne'e hala'o iha Suku Karaubalu, Viqueque iha loran 13 Novembru 2014. Ema nain 20 mak partisipa kompostu hosi feto 7 no mane 13 chefe familia ho sira-nia oan. Tuirmai HDMTL hala'o aktividade Workshop Planu Estratejiku 2015 – 2020 iha Salaun Asosiasaun HAK, Farol Dili hosi loran 11 to'o 14 Maiu 2015. Fasilitador ba sesaun ida ne'e mak staff ADTL.

ADTL hatee aktividade Workshop Planu Estratejiku ne'e hanesan aktividade ida importante hodi determina DPO-HDMTL nia vizaun, misaun no aktividade prinsipal sir aba tinan lima oin mai. Worksho ne'e partisipa maksimu hosi membru, kliente no staff sira hosi HDMTL nian tomak, total partisipante hamutuk 30 kompostu hosi feto 5 no mane hamutuk 25. Seluk hosi aktividade rua haktemin ne'e, fundu ki'ik refere mos kobre bolsu estudu ba staff na'in 2 (ida defisiensia matan), hodi tama iha kursu CBR D1 iha UNTL. Tabela 3 tuir-mai hatudu sumariu hosi aktividade tolu ne'ebé implementa hosi DPO-HDMTL.

Tabela 3: Sumariu aktividade DPO-HDMTL nian

NO	TIPO AKTIVIDADE	FATIN/ DATA	OBJETIVU	MEUS VERIFIKASAUN	PARTISIPANTE			
					F	M	Total	EhD
1	Sosializasaun ba Politika nasional no Direitu EhD nian	Karaubalu Viqueque, 13/11/14	Hasa'e komidade nia konsiensia kona-ba EhD	- Relatoriu aktividade - dokumentasau n	7	13	20	-
2	Workshop ba Planu Estratejiku	Dili 11-14/12/14	Determina vizaun, misaun no objetivu HDTM nian ba tinan 5	- Relatoriu aktividade - Matrix Planu Estratejiku	5	25	30	27

### d. DPO-EAST TIMOR BLIND UNION (ETBU)

DPO-ETBU apresenta proposta aktividade rua (2) kona-ba treinamentu iha area Jestaun Projetu no Jestaun Administrasaun e Finansas. Trainamentu iha area rua ne'e hala'o iha Edifisiu ETBU iha Bekora iha loran 10 to'o 22 Novembru 2014. Trainamentu ne'e hetan partisipasaun hosi staff no kliente ETBU nian hamutuk na'in 20 (feto 7 no mane 13). Trainamentu ne'e importante ba hasa'e kuinesementu staff ETBU nian kona-ba jestaun projetu, jestaun admnistrasaun no jestaun finansas nian atu nune'e sira bele jere sira nia orgazasaun ho profesional.

Aktividade segundu hosi proposta ida ne'e mak suporta fundu ba organiza ETBU nia Inkontru Geral Anual ne'ebé mak hala'o iha 19 Dezembru 2014, iha Salaun Kanosiana Bekora. Partisipante sira hamutuk 35 (mane 25 no feto hamutuk 10), entre sira EhD nain 16.

Tabela 4: Sumáriu atividade ETBU

NO	TIPO AKTIVIDADE	FATIN/ DATA	OBJETIVU	MEUS VERIFIKASAUN	PARTISIPANTE			
					F	M	Total	EhD
1	KAPASITASAUN (Trainamentu jestaun ba PCM, Adm no Finansas)	Bekora Dili, 10-22/11/14	Hasa'e kapasidade Staff nian kona-ba PCM, Jestaun Adm no Finansas	Relatoriu aktividade, dokumentasaun, lista prezensa	7	13	20	8
2	DEZEMVOLVE INSTITUISAUN (Inkontru Jeral Anual)	Canosa- Bekora Dili 19/12/14	Haforsa Instituisaun, fahe informasaun, evaluasaun ba aktividade anual ETBU nian	Relatoriu aktividade, dokumentasaun, lista prezensa	10	25	35	16

#### e. DPO - AHISAUN

AHISAUN hala'o aktividade 3 ho Fundus Ki'ik, hahú ho treinamentu kona-ba Siklu Jestaun Projetu, Monitoring no Evaluasaun ba Projetu. Aktividade ne'e hala'o iha 20 to'o 23 Janeiro 2015 iha Salaun Formasaun Ahisaun iha Dili. Organizasaun ne'e nia staff ho kliente sira mak participa iha treinamentu ne'e, hamutuk ema na'in 10 (feto 5 no mane 5) mak participa. Fasilitador ba sesaun ida ne'e mak staff ADTL. Aktividade tuirmai mak treinamentu kona-ba jestaun Administrasaun no Finansas, hala'o hosi loron 4 to'o 6 Marsu 2015 iha Salaun Ahisaun no participa hosi ema na'in 8 (feto 2 ho mane na'in 6), hosi partisipante sira ne'e EhD hamutuk ema na'in 6.

Aktividade ikus mak halo Monitoring no supervisaun ba projetu fiziku Centru Defisiénsia iha Munisipiu Manufahi no Munisipiu Ermera. Supervisaun iha Munisipiu Manufahi, hala'o iha dia 22 to'o 23 Maiu 2015, iha Ermera hala'o iha loron 24 Maiu 2015.

Tabela 5: Sumáriu atividade AHISAUN

NO	TIPO AKTIVIDADE	FATIN/ DATA	OBJETIVU	MEUS VERIFIKASAUN	PARTISIPANTE			
					F	M	Total	EhD
1	Trainamentu kona-ba PCM, no Monitoring.	Salaun Ahisaun Dili 20-23/1/15	Hasa'e kapasidade Staff nian kona-ba PCM, no Jestaun organizasaun Adm no Finansas	Relatoriu aktividade, dokumentasaun, lista prezensa	5	5	10	9
2	Trainamentu kona-ba Adm no Finansas	Salaun Ahisaun 4-6/3/15	Hasa'e kapasidade Staff nian kona-ba	Relatoriu aktividade, dokumentasaun,	2	6	8	6

			Jestaun Adm no Finansas	lista prezensa				
<b>3</b>	Supervisaun ba Projetu Eskola	ERMERA Same 22-24/5/15	Supervisaun ba Projetu Eskola	Dokumentasaun	-	-	-	-

#### f. NGO Klinika Uma Ita Nian – Aileu

Proposta ONG Klinika Uma Ita Nian Aileu husu apoiu Fundu Ki'ik ba aktividade ida mak Sensibilizasaun kona-ba Direitu EhD ba Komunitade iha Aileu liu hosi Selebrasaun Loron Mundiál ba EhD ne'ebé mak hala'o iha 9 Dezembru 2014. Selebrasaun ne'e partisipa makaás hosi comunidade no EhD nune'e mos autoridade Lokál sira. Hahú ho seminariu loron sorin ne'ebé mak ko'alia kona-ba Diversidade iha edukasaun no edukasaun Inkluzivu ba EhD. Orador sira ba seminar ne'e mak Administrador Munisipiu Aileu nian, PNTL ho representante Centru Saude Aileu. Serimonia ne'e hetan partisipante hamutuk 51 (mane 29 no feto 22). Halo hotu tiha serimonia seminar nian, kontinua ho debate publiku involve Labarik sira involve labarik deficiente na'in 4.

Tabela 6: Sumáriu atividade NGO-Klinika Uma Ita nian

NO	TIPIU AKTIVIDADE	FATIN/ DATA	OBJETIVU	MEUS VERIFIKASAUN	PARTISIPANTE			
					F	M	Total	EhD
<b>1</b>	Workshop hodi Selebrasaun Loron Mundiál EhD-Aileu	Munisipiu Aileu 9/12/14	Hasa'e kominidade nia konsiensia ba asuntuk EhD	- Relatoriu aktividade - Dokumentasaun - Lista prezensa	22	29	51	9
<b>2</b>	Aktividade Disportivu ba Labarik EhD	Municipiu Aileu 9/12/14	Hasa'e Konsiensia labarik ho EhD	- Relatoriu aktividade - dokumentasaun,	-	-	-	-
<b>3</b>	Palku Debate Publiku ba Labarik EhD	Municipiu Aileu 9/12/14	Hasa'e kapasidade no edukasaun ba labarik ho EhD	-Relatoriu aktividade -dokumentasaun	2	2	4	4

#### g. ONG - PRADET

ONG Pradet hala'o aktividade sesibilizasaun ba Komunitade kona-ba Saude EhD nian. Atividade ne'e hala'o iha Sub-Distritu Maubisse iha loron 6 to'o 9 Abril 2015. Partisipante na'in 63 mak partisipa, inklui feto 15 ho EhD na'in 3. Aktividade sira durante sesaun ne'e hala'o mak loke Filmajem kona-ba EhD Fisiku no Mental, apresentasaun Teatru (Drama, Musika, Puisia no Fahe esperiensa ba malu. Proposta orsamentu hosi PRADET inklui mos orsamentu hodi suporta bolsu estudu ba EhD Mental na'in 2 hodi partisipa iha Kursu CBR D1 iha UNTL.

Tabela 8 : Sumáriu atividade PRADET

NO	TIJU AKTIVIDADE	FATIN/ DATA	OBJETIVU	MEUS VERIFIKASAUN	PARTISIPANTE			
					F	M	Total	EhD
1	Komunidade, Autoridade Lokál, Família kona-ba Saude EhD.	Maubisse Ainaro 6-9/4/15	Hasa'e kuiñesementu komunidade nian kona-ba prevensaun Saude ba EhD Mental	-Relatoriu aktividade -Lista prezensa	15	48	63	3
2	Filmajen kona ba EhD Fiziku no Mental	Maubisse Ainaro 7/4/15	Hasa'e konsiênsia komunidade nian kona-ba EhD	-Relatoriu aktividade -dokumentasaun	-	-	-	-
3	Drama, Teatru, Musika, ho Puisia.	Maubisse Ainaro 7/4/15	Hasa'e konsiênsia komunidade nian kona-ba EhD	- Relatoriu aktividade - dokumentasaun	-	-	-	-

#### h. INSTITUTO SEKULAR ALMA (ALMA SISTER)

Kongresaun Alma Sister hala'o aktividade sensibilizasaun ba Família no Inan Aman sira atu fo asesu labarik sira ho defisiênsia ba eskola. Aktividade hala'o iha fatin tolu (3); Buana-Manusae, Hatulia, Munisipiu Ermera iha loron 28 Marsu 2015. Aktividade refere involve ema nain 33, inklui labarik sira hamutuk na'in 20 no labarik ho defisiensia na'in 9. Atividade tuirmai hala'o iha Suku Komoro ho Audian iha Dili foka ba familia hosi labarik defisiênsia hamutuk nain 20. Durante vizita madre sira halo terapia ba labarik deficiente. Atividade ikus liu hala'o iha Pantai Kelapa-Dili involve labarik ho defisiênsia hamutuk 50 ho sira nian familia.

Tabela 9: Sumáriu atividade Madres Alma Sister

NO	TIJU AKTIVIDADE	FATIN/ DATA	OBJETIVU	MEUS VERIFIKASAUN	PARTISIPANTE			
					F	M	Total	EhD
1	Sensibilizasaun ba komunidade	Hatulia Ermera 28/3/15	Família EhD fo nia oan ho kondisaun Defisiênsia hodi ba Eskola	Relatoriu aktividade, dokumentasaun, lista prezensa	20	13	33	9
2	Sensibilizasaun ba komunidade	Comoro no Audian Dili	Família EhD fo nia oan ho kondisaun	Relatoriu aktividade, dokumentasaun,	4	16	20	20

		-	Defisiénsia hodi ba Eskola					
<b>3</b>	Sensibilizasaun ba komunidade	Pantai Kelapa Dili -	Atu labarik ho kondisaun defisiénsia bele tuir procesu apredizajen iha klase regular	Relatoriu aktividade, dokumentaun	22	30	52	50

#### i. FEDERASAUN DISPORTIVU DEFISIÉNSIA TIMOR-LESTE

Proposta fundus hosi Federasaun Disportivu Defisiénsia hodi suporta Federasaun Disportivu Defisiénsia nia Kongresu dahuluk ne'ebé mak hala'o iha Salaun SEJD iha loron 4 Jullu 2015. Hamutuk federasaun ka modalidade walu (8) mak partisipa iha kongresu ne'e. Hamutuk ema atus ida resin mak partisipa, maioria atleta ho defisiénsia.

Tabela 10: Sumáriu atividade

NO	TIJU AKTIVIDADE	FATIN/ DATA	OBJETIVU	MEUS VERIFIKASAUN	PARTISIPANTE			
					F	M	Total	EhD
<b>1</b>	Dezenvolvementu Instituisaun	Salaun SEJD Dili 4/7/15	Reorganiza federasaun Disportivu Defisiénsia TL	- Relatoriu Aktividade - dokumentasaun	-	-	-	-

#### j. SUPORTA BOLSU ESTUDU BA KURSU CBR DIPLOMA I UNTL

Parte ida hosi ko'alia kona-ba Fundu Ki'ik hodi apoiu Bolsu Estudu ba kliente ho staff EhD hodi asesu ba kursu CBR Diploma I iha UNTL. Difikuldade finanseiru ba EhD hodi asesu ba edukasaun superior sai hanesan motivasaun hodi kria pakoti fundu ida ba staff hosi organizaun membru ho sira-nia kliente hodi asesu ba fundu. Fundu refere finansia ema hamutuk nain 12 (mane 7 no feto 5) hodi asesu ba Kursu CBR Diploma I UNTL. Tabela 7 hatudu kona-ba organizaun sira ne'ebé utiliza fundu ki'ik ba kursu CBR nian.

Tabela 11: Lista organizaun ne'ebé asesu ba Bolsu Estudu

NO	ORG	MEUS VERIFIKASAUN	PARTISIPANTE			
			F	M	Total	EhD
<b>1</b>	CNR	- Relatriu Aktividade - Prezensa iha klas	-	4	4	-
<b>2</b>	PRADET	- Relatriu Aktividade - Prezensa iha klas	-	2	2	1
<b>3</b>	AHISAUN	- Relatriu Aktividade - Prezensa iha klas	-	1	1	1

4	HDMTL	- Relatriu Aktividade - Prezensa iha klas	2	-	2	1
5	ETBU	- Relatriu Aktividade - Prezensa iha klas	1	-	1	-
6	Faluk Oan Ki'ak	- Relatriu Aktividade - Prezensa iha klas	1	1	2	-

### 3.5. Tabela 12 tuirmai hatudu kona-ba organizasaun sira ne'ebé asesu ba fundu ki'ik.

Tabela 12: Gastus ba Fundu Ki'ik

GASTUS FUNDU KI'IK TINAN 2014		
Organizasaun	Área Atividade	Pagamentu
AGAPE	Kapasitasaun	\$ 5,000.00
KATILOSA	Sensibilizasaun	\$ 2,903.00
KATILOSA	Kapasitasaun	\$ 2,031.00
HDMTL	Sensibilizasaun	\$ 3,223.50
HDMTL	Kapasitasaun	\$ 3,000.00
CNR	Kapasitasaun	\$ 1,800.00
PRADET	Sensibilizasaun	\$ 4,896.00
Kongresaun Alma Sister	Sensibilizasaun	\$ 3,592.00
ETBU	Kapasitasaun	\$ 4,995.00
Ahisaun	Kapasitasaun	\$ 4,607.00
Klinika Uma Ita nian Aileu	Sensibilizasaun	\$ 2,565.00
Federsaun Desportivu Defisiénsia	Kapasitasaun	\$ 1,470.00
<b>TOTAL</b>		<b>\$ 40,083.00</b>

## 4. SUMÁRIU HOSI MONITORING NO EVALUASAUN

Ekipa M&E forma parte hosi servisu Small Grants nian, nia kna'ar prinsipál mak atu aseguara katak fundus small grants nian implementa ho loloos bazea ba-nia matadaln hodi atinje ADTL nia objetivu sira. Ekipa refere hala'o nia kna'ar bazea ba matadalan M&E ida ne'ebé dezemvolve hodi avalia performa internál ba fundus refere no mos avalia organizasaun implementador sira-nia perfoma iha área jestaun ba fundus no área seluk ne'ebé interligadu ho akuntabilidade ba fundus small grants nian.

Ekipa halo vizita dala 18 ba tereno hahú iha fulan Novembru 2014 to'o Maiu 2015 hodi halo observasaun direkta no mos halo intrevista ho dirigente organizasaun implementador sira. Metodulojia ne'ebé uza hodi halibur dados mak observasaun direkta ba atividade, uza questinariu sira hosi guideline nian hodi halo tracking (rekolha) informasaun ba output hosi atividade idaida ne'ebé implementador sira hala'o, no mos halo intrevista ho dirigente organizasaun implementador nian hodi avalia hamutuk relatóriu finansa no relatóriu narativu. Atividade MNE nia lori impaktu forte ba kontrolu ba ezekusaun orsamentál.

Unidade M&E apresenta tiha ona relatoriu hosi servisu monitoriamentu nian ba fundu ki'ik, ne'ebé sei uza internalmente ba ADTL nia interesse. Relatoriu M&E nian deskobre kona-ba lakunan internál

no mos eksternal iha área jestaun ba fundus refere. Iha rezumu servisu M&E nia deskobre faktus sira tuir-mai ne'e:

- Relatóriu kona-ba gastus no relatóriu narativu ba atividade tarde apresenta ba ADTL.
- Organizaçãun membru balun nia sistema finanseiru no prosedura sira seidak aktuáliza ho mudansa foun iha relasaun parseria ba dezenvolvimentu nasional ne'ebé rekere transparansia, cost effectiveness no protesau ba meiu-ambientál.

Deskobrementu xáve ba lakunan sira ne'e hotu sei apresenta iha pajina tuirmai ne'e.

## 5. SUMÁRIU DESKOBREMENTU XÁVE HOSI FUNDU KI'IK NIAN

### 5.1. Atividade sira mak Finansia hosi Fundu Ki'ik

Hamutuk iha atividade 21 mak finansia hosi Fundu Ki'ik. Atividade sira ne'e mak hanesan hatudu iha Diagrama 1 tuirmai.

**Diagrama-1: Tipu atividade sira ne'ebé Finansia hosi Fundu Ki'ik**





Diagrama 1 iha leten hatudu iha aktividade 9 mak kategória hanesan Sensibilizasaun ba Komunitade kona-ba ema ho defisiénsia sira-nia direitu, atividade 6 kona-ba kapasitasaun, atividade 2 kona-ba governasaun, atividade 1 kona-ba project, atividade 1 kona-ba bolsu estudu ba kursu CBR, atividade 1 kona-ba disportu, no atividade 1 mak kona-ba advokasia.

### 5.2. Numeru Benefisiariu ba Atividade Fundu Ki'ik

Benefisiariu ba atividade ida haree hosi numeru participantes no mos hosi estudante ne'ebé simu Fundu Ki'ik ba bolsu estudu. Nune'e, numeru beneficiariu hanesan hatudu iha Grafiku 2 tuir-mai ne'e.

**Diagrama 2: Numeru benefisiariu**



Grafiku 2 iha leten hatudu hamutuk ema nain 457 mak kategoria hanesan benefisiariu ba Fundu Ki'ik. Mane hamutuk 283 (62%), feto hamutuk 174 (38%), EhD 176 (39%), no mos ema laho defisiensia hamutuk 281 (61%).

### 5.3. Lokalidade Organizasaun no Fatin Aktividade Fundu Ki'ik Nian

Iha deskobrementu ida ne'e haree ba parte rua; ida kona-ba organizasaun membru ADTL nia lokalidade ne'ebé asesu ba fundu no ida seluk haree ba lokalidade aktividade tuir munisipiu.

**Diagram-3: Organizasaun sira ne'ebé simu Fundu Ki'ik bazea ba nia Lokalidade**





Diagrama 3 iha leten hatudu kona-ba organizasaun sira ne'ebé mak asesu ba fundu ki'ik bazea ba sira-nia lokalidade. Hatudu loloos katak maioria organizasaun sira ne'e baze iha Munisipiu Dili. Total hamutuk organizasaun 9 mak baze iha Dili, rua deit mak baze iha Baucau ho Aileu.

Bazea ba atividade nia lokalidade, Diagrama 4 tuir-mai ne'e hatudu kona-ba atividade idaida ne'ebé hala'o iha munisipiu.



Diagrama 4: Lokalidade hosi Aktividade



#### 5.4. Komparasaun Gastus ho Atividade

Tabela 13 tuir-mai hatudu kona-ba komparasaun ba orsamentu ne'ebé gastu ba atividade ketaketak kompara ho durasaun tempu no numeru benefisiariu.

Tabela 13: Komparasaun ba Gastus ho Atividade

GASTUS FUNDU KI'IK TINAN 2014				
Organizasaun	Atividade	Durasaun	Gastus	Benefisiariu
AGAPE	Kompetisaun Desportu Taiwan	Loron 5	\$ 5,000.00	7
KATILOSA	Trainamentu mediku	Loron 2	\$ 2,860.35	41
KATILOSA	Sensibilizasaun ba Komunitade	Loron 1	\$ 1,939.50	51
HDMTL	Sensibilizasaun ba Komunitade	Loron 1	\$ 3,223.50	20
HDMTL	Planu Estratejiku	Loron 5	\$ 3,000.00	30
CNR, HDMTL, ETBU, Ahisaun, Pradet, Oan Kiak Veteranu	Kursu CBR D1	Tinan 1	\$ 5,400.00	12
PRADET	Sensibilizasaun (atividade 3)	Loron 4	\$ 4,896.00	63
Kongresaun Alma Sister	Sensibilizasaun (Aktividade 3 iha fatin 3)	Semana 1	\$ 3,592.00	105
ETBU	Kapasitasaun (Treinamentu) no Inkontru Annual (atividade 2)	Loron 4	\$ 4,995.00	55
Ahisaun	Kapasitasaun, Treinamentu, supervisaun (atividade 3)	Loron 9	\$ 2,910.50	18
Clinika Uma Ita nian Aileu	Sensibilizasaun, Debate publiku no Aktividade desportu (atividade 3)	Loron 1	\$ 2,565.00	55
Federasaun Desportivu Defisiénsia	Devemvolvimentu Instituisaun (kongresu)	Loron 1	\$ 1,470.00	-

## 6. IMPAKTU HOSI FUNDU KI'IK BA OBJETIVU ADTL

Komponente importante ida hosi matadalan M&E nian mak atu haree impaktu hosi fundu ki'ik ba atinji objetivu jeral ADTL nian. Tan ne'e tenki iha esforsu atu asegura katak aktividade sira ne'e hotu sei dezeña no implementa hodi atinji ADTL nia objetivu kona-ba hakbir organizasaun membru, no mos atu asegura katak atividade sira ne'e lori duni impaktu ba atinji ADTL ninia visaun ba tempu naruk kona-ba sustentabilidade organizasaun sosiedade sivil. Ho razaun ida ne'e analiza tuir mai sei deskobre ba komponente importante tolu (3).

- Komponente 1): kona-ba aktividade sira ne'ebé bele fo impaktu imidiatu ba objetivu estratejiku ADTL nian hanesan, treinamentu ka kapasitasaun, dezemvolvimentu instituisaun, implementasaun Incheon Strategy liuhosi implementasaun CBR, no advokasia ba Implementasaun Politika Nasionál ba EhD.
- Komponente 2): kona-ba aktividade sira ne'ebé mak implementa maibe sei fo impaktu ba objetivu ADTL nian iha tempu naruk. Área ka tipu aktividade sira ne'e mak hanesan sensibilizasaun ba komidade, no mos sira seluk kona-ba kompetisaun desportu defisiensia.
- Komponente 3): atividade balun la fo impaktu ba objetivu estratejiku ADTL nian, mak aktividade hanesan supervisaun ba projetu fiziku.

**Diagrama-7: Impaktu aktividade Fundu Ki'ik ba Objetivu ADTL**




Diagrama-7 iha leten hatudu resultadu katak hosi aktividade 21, iha aktividade 9 (43%) mak lori impaktu imidiatu, aktividade 11 (52%) mak sei fo impaktu maibe lori tempu ne'ebé naruk, no 1 (5%) mak kategoria aktividaee ne'ebé sei la lori impaktu ba objetivu estratejiku ADTL nian.

Deskobre mos katak, komponente importante ida mak sei fo impaktu imidiatu ba objetivu fundu ki'ik nian ne'ebé la akumula iha aktividade fundu ki'ik nian iha periudu ida ne'e mak Advokasia ba Instituisaun Governu no Estadu, hodi asegura ratifikasaun ba UN-CRPD, Estabelesementu Konsellu Nasionál no implementasaun ba Planu Asaun Defisiensia nian.

## **7. OBSTAKÚLU SIRA**

Dezáfius no lakunan sira iha jestaun no implementasaun ba Fundu Ki'ik mak hanesan hatudu tuirmai ne'e.

### **a. Dezáfius Internál**

- Staff foun ho menus koñesementu kona-ba jestaun ba fundu ki'ik sai hanesan obstakúlu internál, liuliu kona-ba prosedimentu fundu, sistema kontrolu no apoiu ba organizaun implementador.
- Iha parte seluk, staff foun ho menus koñesementu kona-ba monitoriametu, evaluaun ho relatoriu sai hanesan impedimentu bo'ot liu ba ADTL atu hetan dadus loloos kona-ba dezáfius iha implementasaun ho kualidade relatoriu. Menus dadus mak sai hanesan satán bainhira ADTL atu prepara relatoriu final ba implementasaun Fundu Ki'ik nian.
- Kualidade relatoriu maihosi menus kapasidade staff atu hakerek relatoriu. Ida ne'e akontese tanba ADTL iha staff foun ho menus esperiensa kona-ba halibur dadus, prosesa dadus, análiza dadus no mos hakerek relatoriu.
- Menus komunikaun ho koordenaun servisu entre staff Unidade Membership Empowerment, MNE ho organizaun implementador sira sai hanesan satán iha prosesu kontrolu, halibur dadus no mos tracking ba relatoriu atividade hosi organizaun implementador sira.

### **b. Dezáfius Eksternál**

- Organizaun implementador sira uza Matadalan Fundu Ki'ik, maiske nune'e falha atu aseguza konsistensia hosi atividade idaida ho proposta ne'ebé hatama ba ADTL.
- Organizaun sira ne'e hakerek proposal la halo tuir Formatu ka Guideline Fundu Ki'ik nian. Rezulta atividade sira ne'ebé implementa la tuir área aktividade sira ne'ebé temin iha Matadalan.
- Menus koñesementu kona-ba jestaun projetu nian, jestaun finansas no mos menus kapasidade hakerek relatoriu. Rezulta kualidade relatoriu menus tebes, la kobre komponente hotu ne'ebé akontese durante implementasaun.
- Organizaun implementador sira barak mak seidak iha prosedura operasionál no prosedura finansas nian. Rezulta relatoriu gastus nian la tuir prosedura finansas ADTL nian (Refere ba ADTL Standard Operational no Prosedimentu).

## **7. REKOMENDASAUN NO PLANU BA OIN**

Rekomendasaun hodi hatu'ur asaun imidiatu ba oin importante atu bele responde ba lakunan ka dezafiu sira ne'ebé mak deskobre ona iha relatoriu ida ne'e. Planu ba oin ba fundu ki'ik tenki responde nesidade organizaun membru nian ne'ebé deskobre tiha ona liuhosi aktividade membership assessment. Rekomendasaun sira tuirmai ne'e importante atu tau ba konsiderasaun iha fundu ki'ik faze daruak.

#### **a. Rekomendasaun ba Internál ADTL**

- Matadalan fundu kí'ik tenki revé fila-fali hodi refléta ADTL nia objetivu estratejiku no mos hatán loloos ba membru sira-nia nesesidade ne'ebé deskobre hosi Relatóriu Membership Assessment 2015.<sup>1</sup>
- Bazea ba análiza ba rezultadu Membership Assessment identifika katak organizasaun sira ne'ebé presiza liu apoiu hosi Fundu Kí'ik mak organizasaun membru ne'ebé lidera hosi EHD (Disabled Peoples's Organizations) no mos organizasaun sira ne'ebé hasoru situasaun desvantajen asesu ba fundu hosi parte seluk tantu Governu no mos doadores sira.
- Fundu nia limitasoens tenki aplika ba tempu implementasaun no evita apoiu repetisaun ba organizasaun ida ka liu. Organizasaun ida maximu simu fundu dala ida ba atividade ida ka liu iha períodu ida nia laran.
- Formatu proposta ho formatu relatóriu tenki simples no sosializa ho tempu natón atu aseguira membru hotu hatene oinsa atu uza.
- Ekipa M&E presiza halo revizaun ba matadalan M&E nian hodi inklui komponente sira hanesan pre-test ho post-test ba atividade sira hanesan treinamentu.
- Ekipa M&E presiza halo treinamentu ba membru hotu kona-ba monitoriamentu no avaliasaun, jestaun projektu no hakerek relatóriu. Ida ne'e importante hodi aseguira katak membru hotu ne'ebé involve iha fundu kí'ik hatene halo dokumentasaun, avaliasaun no relata progresu servisu ho efetivu.
- Hakbi'it kapasidade staff iha área dokumentasaun, kompilasaun, prosesa dadus no relatóriu.
- Hametin liutan liña koordenasaun entre Unidade sira iha ADTL ho membru implementador sira. Ida ne'e importante hodi evita duplikasaun servisu no apoiu malu iha ekipa.

#### **b. Rekomendasaun ba membru organizasaun implementador**

Halo tiha kompilasaun ba relatóriu hosi kada organizasaun implementador, rekomenda área sira tuir-mai ne'e presiza hetan kapasitasaun.

- Kapasidade tekniku kona-ba Jestaun Projektu, tekniku monitoring-evaluation, ho Jestaun Finansa.
- Estratejia advokasia no oinsa servisu ho media
- Tekniku hakerek proposal no hakerek relatóriu.

---

<sup>1</sup> Membership Assessment ne'e hala'o iha Feveireiru, 2015, Relatóriu públika iha Jullu 2015, públika iha ADTL nia website ([www.adtl.tl](http://www.adtl.tl)).

**Lista aneksu sira:**

1. História susesu hosi implementasaun ba Fundu Ki'ik
2. Profil organizasaun ne'ebé involve iha Fundu Ki'ik.

**REFÉRENSIA:**

1. Matadalan Fundu Ki'ik nian
2. Matadalan M&E nian
3. Relatoriu aktividade unidade Membership Empowerment nian
4. Relatoriu aktividade hosi membru implementador sira
5. Relatoriu final Unidade M&E nian
6. Relatoriu final Asesementu Membru nian
7. Planu Estratejiku ADTL 2015-2020.

**EKIPA SIRA:**

Hakerek Hosi

**Rigoberto Monteiro**

Prefásiu no Editor

**João Pequinho**

Ekipa Unidade Memberhip Empowerment

**Antonio da Silva**

**Evaresto da Conceição**

Ekipa Monitoring no Evaluasaun

**Jonio Soares**

**Maria Y. Tanesi**

Produx Hosi

**Asosiasaun Defisiénsia Timor Leste (ADTL**

Unidade Monitorig & Evaluasaun

Unidade Membership Empowerment